



首寄丁仲容婁行所二先輩

柂樓醜酒出金陵病後衣裳醉不勝
風雨滿江寒顛顛庭
闈何處髮鬢鬢周璆寔下諸侯榻
王式虛蒙博士徵一曲
離歌凝客思幾行踈樹隔渙燈

鳳皇臺上酒如川醉擬題詩李謫仙
鑿齒已成耆舊傳真
長空覓孝廉船十年螢案書連屋
八月龍灣浪拍天無那
病懷兼旅思白雲遙望夕陽邊

遊永壽宮文皇帝潛邸時幸臨

六朝龍虎氣回春草木均沾雨露新
羽葆蓋車雄萬乘金
銀觀闕現三神樓船不見歸童女
桂館徒勞立從臣深幸

先皇潛邸日祝釐無乃為生民

簡謝性源

同是風流王謝家雲萍漂轉各天涯忽逢落日烏衣巷並
立東風白鼻騮蕉葉深杯情潦倒桃花團扇墨橫斜賢人
在位親無恙八月瀕乘奉使槎

題下砂場丞韓景陽世祿堂時親年八十

桐木寒家世祿堂五更環立珮蒼一晚年夢與雞聲遠春

日情無雀髮長風細弦歌生暖響花交簾幙散清香聖朝

孝思思尤洽兒得焚魚進壽觴

敬題直李士周公書贊先君庫使遺訓後贊附

吾乎生持畏遇小事如大事面欺人不忍為心欺神明

尤不忍為也右庫使江陰王君惠之常以是言自警其

子逢求予書以為家訓既為作篆又為贊曰人心即天

天即神明一欺吾心天罰是懲允矣王君持心孔平戒

慎于微弗歎弗寧有子克紹孝古行清銘其庭訓終底

於成番陽周伯琦書

先君遺訓幾經時大篆新承閣老書三代鼎彝宗史稽泰

山銘刻陋秦斯雲霄上日瞻文藻雨露濡春起孝思御里

未歸身粗立搖一寸草獨天知

題鄒旅雲青山老隱圖有引

青山老隱畱者予及邠君皆昌追慕其先道鄉先生而
作也先生有墓有祠在毗陵青山門外中書左丞呂公
思誠為浙憲時嘗展拜祠下命有司禁樵採後毗陵失
守皆昌避地海上欲歸省下有得乃繪是畱復自號曰
青山老隱以示不忘首丘之義予敬題以詩

青山郭外道鄉祠宰木溪毛幾歲時繡史罷伸芻牧禁画
園深寓釣游思踈星皓月飛鳥鵲細雨東風過子規更有
張翰首丘賦倩予盥露寫烏絲

送何伯大判官辟中書掾從丞相出師

丞相與師出薊丘萬婦千乘壓中州旌旗露濕星河曉鼓

角風高草木秋號令不聞鸞鶴列謀謨初定鬼神愁獻俘
太廟陳歌頌独有儒曹業竄優

送于子寔辟淮閩掾

淮海風高急鼓擊潁州烽起照淮西餽糧幾道通流馬樓
櫓重城望火雞星入夜寒芒角動地連秋暝瘴氣低君今
棹鞅元戎幕肯慰流亡父老啼

寄鄧筠谷鍊師

別後雷岩結構成靈風洒掃四時清徑籊白石天人下屐
響青林水客迎萬葉動星岫氣合三花垂露薄寒生鶴雉
長就車輪羽好在高秋載玉笙

題衛林静樂静山房

名仁復七世從祖肅敏宋參政七世祖上達礼部尚書

新營別業遠風埃山綠湖光故
來四壁有時聞葉墮一
門無事看花開圖傳龍馬尊
家李冠護貂蟬憶相才巢燕
不隨浮世變將雛依舊拂蒼苔

寄題瑣憲臣万户星湖釣隱園

茄鼓歸來理釣絲星連文石漾
淪漪征袍漸喜團花暗小
艇還役細柳維邊地雪霜憐
馬革五湖烟雨夢鷗夷野人
不待傳雙鯉釣出珊瑚寄一枝

和沈掾中秋月

月入高天更漏遲天香消盡
桂花枝金晶氣爽飄風露銀

漢波翻動鼓旗名

二星蟋蟀滿林羅袖濕駱駝千帳笛声悲

柴門此夜光如練喜与休文一詠詩

送陳昌道北上

江海才名二十年振衣吳楚上
幽燕交游豈在夢龍後夢
寐常居虎豹前天入紫微
瞻爽氣野空黃落見疎烟
從征早下陳琳檄遂使三軍
樂宴眠

題葉子澄雪蓬軒

歲晚天寒雪一簑滿船書画
壓銀河鮫人室露雙冰鯉神
女峰沉哉翠螺夢裡客星
躡帝座尊前小海渡漁歌
高明益進中庸孝日看東家
綠樹多

清碧軒宴坐簡汪文裕季正

萬竹無声風露微野夫相對遂忘歸
琴彈流水神魚出日送遙天鶴雀飛
自煮蓴絲同晚飯肯分苔色上春衣
廣文盛說休官好更覺閑情与世違

題夏士文書声齋

璜溪正魯東家四壁無塵護絳紗
春水研池窺乳燕午香簾幙度飛花
賓筵優礼同三釜祕閣遺書共五車
總羨韋賢家教美滿籬金碧視泥沙

題松江府學訓導胡師善遺跡後有序

春回澤國艸青不見斯人舊典刑
守廟義同全趙壁禦

灾心似哭秦庭蝸行蘇壁留題字
燕入芸帷罷講經百世祀從先哲後
可能無憾久沉冥

師善名存道越人通春秋礼遊吳二十年無知之者晚
益竒頓意晏如也至正乙未冬魚憲趙承禧廉問松江
知其賢命知府崔思誠延之于季善曰吾不得用於世
亦庶幾以淋諸人明年春二月叛將燔城善親冒烟焰
籲天呼地願指生衛廟季俄大風返火未幾參政楊完
者調苗丁來守墮掠尤甚善語同舍林以莊宋处元曰
諸戾死社稷吾儒視季拔校毀于兵可乎既矢石声逼近
善出与苗言季校不可毀於是遇害明年逢避地海上

謁先聖廟見誌善救火於廡壁得臨死事實于進士潘
元慶泊見予友孫作而又聞嘗謂作曰城池多艱君有
親可丞去吾以死扞廟享不存士日不競因感泣
而別於乎善之死蓋不待決往倉卒患難之間或者乃
弗是之過矣夫朱泚之亂何蕃一叱叛者遂為傳宗今
苗闕廟享士於其時如礼所謂朝不坐燕不与潔身引
去固無可罪若胡先生不徒然其死其志蓋可哀也逢
以其生既不偶死復泯乃為賦詩且論列于左

和吉州何節婦詩韵

有序

何婦賀永新人至正十二年斬兵殺其夫將汚之賀曰

竊聞師令嚴淫虐者斬以徇汝独不惧狗乎兵以言諸
帥議聘焉賀曰彼禁淫虐乃欲委禽未亾人耶聘至
賀閉戶不納齧指血題詩曰涇渭难分清与濁妾身不
幸厄紅巾孤兒尚忍更他姓烈女何曾嫁二人白刃自
揮心似鐵黃泉歆到骨如銀荒村日落猿啼处過客聞
之亦愴神遂自刎死東海徐塞趙郡趙錫各賦古風予
和韻云

風塵旦暮未亾身屍吠何堪動悅中斗血倒流三尺劍九
泉下見一心人竹祠長夏飛蒼雪月闕中天爛白銀聞道
琵琶亭在望賣降舊鬼独傷神

題張會嘉桶底圖 有後序

道者深藏玉斧才罷脩明月下蓬萊笑隨流水天台去袖
裏登州海市來霧幌雲窗閉翠壁異鄉靈響接瑤臺神遊
萬里愁回首故國蒼涼獨鴈哀

右畜出吾鄉葛氏葛世居青陽鄉宗名臣邛之後初家
貧惟母在夫婦資賣酒以養凡為具務罄利之入極母
所嗜好或雨雪晦暮屢傾賞如所奉一夕有一老道士
酤百錢已宿焉明晨夫婦蚤作候道士不見問諸保者
曰道士酣寢時見一彈丸丹光矣射木榻外既聞爪
甲声若虫食桑蠶然餘不知也夫婦驚惋熟視卧內惟

有所刻画桶底耳當是時好事者購墨本惟恐後而母
氏卒賴以壽終君子謂葛夫婦孝感所致云

送陳檢校按藩臣分鎮淮安

闔閭城外陣雲與草木依微殺氣凝雪霽長淮齊飲馬烟
消清野疾飛鷹羽林密號傳符刻幙府初筵列豆登有道
折衝千里外牙旗小隊看春燈

題天竺妙侍者所藏訶咲隱張伯雨倡和什後

湯休麗藻無多脩靜清名孰有過赤水玄珠歸象罔實花
丈室散維摩日邊並倚凌雲作林下新傳擊壤歌句曲長
干旧游地鵲飛無奈月明何

山行二首 有序

庚子十月二日董竹林居士邀予出吳城西遊十餘里
捨舟循花鹿白霍等山度鳳皇峴觀紫牛洞遂登宋張
監遐觀亭故基斷岡殘隴四顧蔓草五世孫天祐讀書
力穡其下忻然接予白自兵具來夸士大夫罕有至此
者曰題詩壁間

水送山迎風滿衣
薜花梳子散林扉
紫牛一去洞雲合
白霍重來人世非
亭倚高寒瓴甌在
仙游長夜珮環輝
諸孫為具蒸藜餉
自咲登臨不當歸

是牛由牛圈塢南行數里得菴林院少憩既西折登□

□百餘步林麓就暝遂止
具教寺僧源肅吾二人具酒
饌沾醉乃寢五夜驚聞雨點
聲甚繁載听之蓋鐘振木
葉墜露耳徐起盥櫛源備湯
供延坐小軒、面蒼峭壁
泉玉色瀦壁下僅尋墨許
指笑曰是足供千百衆然未
有名予名曰咸泉取澤在山
也移時過竹院飯偕眺尤
美亭嶽崿斗絕枳蘿薦而上
仰蓮華峰神秀亂石席搏
人立杉楠楓榆相參錯為丹
厓翠壑天風冷、迴見鳥
背使人作凌虛想源曰亭右
垂有石扉側開隱隘終容
身中則寬廣時雲氣上齊若
葆蓋羽車然意必靈晏所
宮歆下独幽隱峰姑名曰靈
雲之洞又言峰絕頂俯太

湖洞庭光爽滿面宜吾二人者老此戎与飛仙接二人者董竹林居士其一也居士吳產累遷儒官晚慕晉七賢用是號潛其名云源愛文章因居士首倡四韻懇求和并紀泉洞得名自予始詩曰

袖中詩卷杖頭錢十里雲山一宿緣曙鐘響振珠林露天供香分石壁泉葆蓋羽車雲岫出丹崖翠壑小亭連擬吸具區三萬頃頡頏飛上大青蓮

題程達觀外史洞雲深处

洞雲深处神仙宅空翠不收常晝暝金鵲尾橫香案靜青蛇影卧土花腥天壇瑞草敷雪雨石竇寒泉注月星更闌

一瓊高爽地遲予來守内黃庭

同鄭遂昌山人張谷賢俞樵夫艤舟石湖登拜郊臺

留題上方寺

高秋木落紫嵐開載酒登臨第一回京国不無西子恨拜郊犹有僭王臺上方樓閣中天倚直北風雲幾日來三老班荆話间樂石湖魚鳥莫驚猜

故封安陸府同知飛騎尉華亭縣男謝公德嘉挽詞

執爻懷材德人皆長者呼官封安陸府宅抱澱山湖華胄遙通晋榮光近接吳書詩陳典雅環珥侍瑶瑜襟量黃生匹交情鮑舛俱墓山依客鬼寓有義山葬金帑偵家奴盜金

置不鱸釣莼波濶池驚草露濡兵戈十年內不忘礼王符

龍江治圃

原憲安貧久樊遲季圃初搃名江泌菜不是鮑焦蔬甲折
烽燒外心承雨澤餘酒香兼果蔬羹美帶蝦魚華髮冰壺
傳茅齋種樹書鶉衣分晚摘肉食鄙春鋤嗜欲情除妄道
遙道集虛妻孥防歲饑甕盎備冬儲

洛陽斬惟正信州總管利安公之子太平總管処宜

公之校子太平先殉節死丞相達公以惟正廕太平

同知將有事中朝枉顧海上時予病聊短述以贈

梧竹鷓鴣羽蘭茗翡翠裕舫船淞泖冷圭竇草萊深藥煨

芙蓉火冠投玳瑁簪山人非索價公子素存心天府周南

國霓旌漢上林高秋使命返金玉俟徽音

送僧蘭古春亂後後還省先塋

儒行蘭開士先塋在富春摸金無校尉掛劍有行人薤露
傷歌早松風入夢頻杯浮羅刹渡酒酌客星鄰天地啼鵲
血庭圍戰馬塵式瞻追遠義孝治若為臻

哭呂貞惠處士

南國長林楚西崑片玉英周旋鄉里難終始歲寒盟甲第
風塵合璜溪月露清羨吉驩勇弁私試集文衡屢散千金
積還薛三品榮性中天爵重身外野袍輕柳送浮春鷓花

邀轉曙鶯沒期陪几杖俄報卒銘旌世亂嗟新俊秋高哭
老成名公題翠石來裔照華纓

節婦謝淋秀詩有序

淋秀宗太季上舍國光孫隱居教授進脩女淋性閎敏
年廿贅里中許楸室家雍穆逾十年楸蚤世有女孟柔
子龍用皆幼或詆使再適淋曰吾不幸蚤寡猶幸生書
禮家不見奪于共姜之父母又幸不見迫于媼覽呂超
之權勢况有母侍養無足憂者吾惟志自守子是鞠承
乃宗祀而已尚何言諷者赧而退乃終母制孟柔婦某
氏龍用知樹立亟命李區醫曰誨曰夫醫治亂不廢之業

且樹德莫醫若汝其母患後果亂龍困以醫母獨優裕
今六十餘矣人又以許賢母稱云

貞節婦謝氏名重陸雲卿頭雪机犹織眉青琴罷張野霜
遺秉淨池雨漚麻香圓鏡收未匣長弊弃在墻壺闈恬布
素家庙肅珩璜祖澤詩書遠兒医德業昌柏舟多後勸柳
絮有餘芳水落新魚留春回旧燕堂中庭孀月白四境戰
塵黃倍感陶嬰操回之補一章

趙長者詩有序

長者名礼字信父泰州之丁溪人生而寬厚未冠父聞
同里孟翁女有容德為聘之時女年十四矣初翁有子

女輒殤夭晚得是女鍾愛之及笄以目疾瞽翁病焉辟
婚于其父以語長者曰不可始孟氏許我時目
固明非誑我也今不幸致此而悖常渝盟遠近知其為
瞽女誰乎娶翁夫婦老且死女無適從人必責我大義
不若堅前好焉父喜謂其母曰吾兒直有華陰呂氏之
風後其昌乎既娶相敬如賓生子女十一人玉其仲子
也中年家益饒迎翁夫婦就養翁歿葬猶父母卿大夫
士咸稱趙長者云長事親孝与兄裕弟璧無間言
以寿终于室玉之外祖母嘗以子抚育之長而知讀書
奉外祖母如其父母卒服衰三年歲時不絕其礼今為

水軍都萬戶

淑女春蘭秀仙郎玉樹姿日長何日瞽義守百年期團月
開紈扇双星結綵襦韜輝唐鏡匣流響蜀琴絃遂叶熊占
夢旋生燕頤兒德齊中饋礼思出外家慈蒿薤俄霜露蘋
繁數歲時留題長者傳庶望厚民彝

宮中行樂詞六首

羽獵罷長楊宸遊入未央鸞闈双画扇雀舞百霓裳玉盞
瓊花露金盤紫蔗霜長門誰閉月流影在倉琅
望幸影娥池微吟紈扇詞露盤迎月早宮漏出花遲珮雜
銜和響雲連雉尾移君王肯時顧授愛趙昭儀

明月窺惟管形双星直闕軒宴分王母樂詔擬薛濤箋穀雨
 親蚕近花朝拾翠連魚龍曼衍戲次進玉階前
 積翠微波濶披香暖殿開天低烽火樹日動蔓金苔獺髓
 勻犹濕羊車過不回賸陳烈女史萬一漢皇來
 芍藥為離草外夾是匹禽君無神女夢妾有楚王心日短
 黃金屋宵長綠綺琴相將戒霜露拜月繡簾陰
 金鑰魚司夜瑤箏雁列春後庭通綺閣清踞接芳塵同備
 三千數誰辭第一人君王壽萬歲行樂此時均

聽葉琴師觀光操有序

觀光操者三衢毛敏仲所作也至元間仲偕武林葉蘭

坡徐秋仙遊京師三人者咸能琴受知宰執薦名世祖
 皇帝仲以為士之道莫尚于賓王先王之化莫尚有虞
 氏之教故緣徵度声作是操以應制比召客死館舍予
 聞其音激越悽惋不純乎徵傳曰徵亂則哀仲其自哀
 也夫雖然仲之心至矣是時海內外羣生万物方旁達
 交暢伸首擬南薰之歌用啓聖聰比隆有虞中道而止
 豈先王之樂未當復欵於乎先王之樂不見復于世皇
 制作之日畢竟何時具耶使後有吳季子必曰樂有在
 也蘭坡孫惟一彈是操且語是言因序其事而系以詩
 夜听觀光操心神四座開馬駝千里道龍席五雲臺長養

南薰入行徐白雪來世皇虛席待竟起伯牙哀

觀楊一枝外史鳴球琴 元贊附

溫潤而寔玉其質也清越不淫磬其音也朝陽之桐弦
微被之彼美天球維其似之

驪龍珠四八共爾久浮沉造化深藏器神明必賞音水蒼
寒軫玉星緯暗徽金拂拭煩君手朝陽作鳳吟

得尚書汪公凶問

凶問落江邊儒林氣愴然亂中天未定身後日同懸孝甚
魯三釜廉殊寵一錢樗材荷推獎思報輯遺編

錢公義舟中同賦

薄暮扁舟發春陰生野寒赤莖看水柳清響送風湍詩好
頻分札蓬低屢整冠松鱸九峰酒爛熳罄餘歡

娼婦徐 序詩附

至正壬辰冬 人寇常呂其婦佐飲憤罵弗听冠馳殺
之龍江章湖孟文詩曰平康巷裏掌中身翠舞珠歌玉

樹春不得藉除今義 死 天容娼婦愧降臣逢詩云

妾非花目舊時妖曾事忠良樂聖朝今日黃巾刀下死陽
城下蔡莫魂消

東帶朝衣供奉孫虜庭歎死報皇恩妾今一唱貞元曲孰
賤西風碧血痕

和成婦陳聞鴈府有感四首有引

浪喜燈花落久生夜寒頻放剪刀聲游鴻不寄征夫信

顧影娉婷無限情右婦詩陳聞雁而作也題于華亭成壁

逢友張洙宗魯和云青蘋風起別鴻生寒盡春來不寄

聲多少離羣婦欲盡天涯拋棄獨何情謝嘉維則擬答

陳二首軍裏何曾髀肉生隴頭日夜血流聲內人莫怨

孤征雁縱寄安書莫寄情缺月微明瘴霧生西鄉夢斷

玉簫聲無由並跨秦臺鳳夜離鴻別鶴情宗魯曰陳

錢塘儒家女夫本縣曹吏曰兵亂隸軍籍久在外或勸

之曰若質美性慧往富室為女紅不犹愈守空城忍飢

寒寒我陳谷曰飢寒小事耳不已察而汝听失節莫大焉或

者慙而退未幾夫挈婦里人至今稱之

羈雌見月可憐生月落江昏過雁聲不特題詩想夫婿漢

家多少玉闌情

介曹多年蟣虱生客窗今夜落邊聲螭頭釵子鴛央股独

自挑灯万里情

兩地何知死与生雁來愁听月邊聲多應万里孤飛影只

抵長門一片情

江南江北荻花生妾处君边第一声何似春風湖上宅銀

箏玉柱白頭情

海宴軒前双鴛鴦歌為曹涇分鎮朱芹湖作

盛明天子狩有期
駕鸞若有神灵司
剛高風寒翅盡直
鷹師縱鷹雲眼碧
斯須克血灑行輦
大官親庖奉玉膳
當時畿甸禁罟嚴
此日江淮增弋滿
朱然將軍吳義風
雌雄養之庭苑中
文王沼上古月白
房相池頭春草豐
飲泉啄穀觀者美
願爾双飛上筵几
亂離無復鳳來儀
雄多被殺留其雌
將軍必也放歸壯
天子厭兵今節食

題楊元誠太史宮詞後有後序

玉珮瓊裾雅頌詞
流傳中禁萬方知
獨憐夜草除奸詔
親奉綸音改到時

公嘗與范匯同草黜逐伯顏太師之詔
草文云詔書到日上曰自早至暮皆一日也可改作到時結句故云

題謝太傅小像

一起扶維半壁天
未應絲竹醉婵娟
八公北下風雲冷
想見山河月影全

吳江書所見

虬髯使者銀貂裘
胡床醉酒芙蓉舟
文章太守不敢近
一

聲水調動回頭
擷頭船兒葉不如
漁郎衝風暮打魚
傍人心怖自歌笑
老龍正

詞

吾溪集卷二

五

題郡守翟仲直太白問月圖

玉醪和露瀉玻黎鯨吸秋空萬象低
柰尔浮雲翳明月清光不照夜即西

景陽井

踏臂歌殘璧月昏駟龍猶藉井生存
石闌漫浣胭脂色不似湘筠染淚痕

簡任伯温檢校二首

旌旗交影鳳池邊退食微聞午漏傳
犹比至元無事日印文銅綠長苔錢
官厨日送葡萄酒畫省春看芍藥闌
不忘旧為丞相掾手

苗天馬獻金盃

丙申正月十八夜吳門雨黑雨廿二日午見日中黑
子刘都漕貢總管苗不果既出舟次口號

始憂黑雨夜傾城又駭与雲日晦明百口親隣船倚着仲
宣去住独含情

仲雍墓側晚峰青頭白烏啼滿驛亭
太守心旌懸大樹故人書劍逐浮萍

静安招提八詠為典為上人作

碑存赤烏年僧指青燈夜風雨寒蕭蕭
黃旗儼來下右赤烏碑

水怪移象罔野火飛熠燿大夫殉節榮且免行殯諒右滬

清壘故國空蚯蚓老檜餘瓔珞根地終系陳不與庭花落右陳朝檜

神僧聊示現肉眼為驚睥水淨天空裏何緣同一筦右鰈子禪

縹帙白象籤金書貝多葉稍披四句偈已斷七支業右金經臺

甘香蟻丘漿清涼楊枝露一勺遍大千天龍不敢吐右酒泉亭

秋風兩岸着野水千子家遠隻履自東歸零亂霜天曉右蘆子渡

龍歸驟覺寒雞遠不知年千長年四簷陰颺竹疑雨右綠

梧溪集卷之三

菜亭四詠有引

江陰王

逢



菜亭者先君庫使之所作也賜進士及第內御史萬列
圖敬夫書扁江陰儒李教授閻中邢泰身翁為記先君
年六十輟不仕日課童治圃為徑必直執蔬必方嘗指
謂逢曰小子識之此類吾性也先君沒之二年逢忝部
使者荐又明年江南務殷由是無仕進意而以先志是
守并賦四詩揭亭間或琴声于琴或倚歌于筵退然自
樂殆相遺于人世也

其黃独曰猗歎黃独質土得玉惟德惟質是以有葉有寔

凱風至矣青々始蔓雨雪既零爛其兀崇富貴无常人或
汝忘予敢食言長鏡在傍長鏡在傍貧賤之光匪貧賤之
光隱淪之度

其巖日彼美者巖政蹄而茁齊魯之人謂菜之盤雷夙蔟
春競擷于山久独不食神往來于山間慨昔君子夷有園
綺寿考以終犹愈飢死飢弗忍師考終是期衣薜帶蘿聊
從而嬉兮

其黃精曰葉之菁々如竹葉之青厥根孔美食之可以長
生朝陽之煥時雨之沃君子有之以備旨蓄吳之野土力
貧培隱德樂弥臻孰謂芝也不如薇也

其蓴曰蓴之潔貞蘊藻其用蓴之芳烈蘋繁其列曰絲曰
可羹可道君子素貧念不到鱸五侯之鯖太官之羊鼎
折覆餗溪毛無傷登我遺矣荐我先矣載彼我弦永弗緩
矣

黃河一首贈胡璉師貢

黃河濁流其源自天四方交亂莫知誰愆靡亂弗寧靡濁
弗清小人之身君子之貞君子之貞惟道是友小人之身
乃罪之首雖曰無家有琴有書朝誦暮絃何樂之如鸛黃
其羽集于嘉林願言似之永懷德音

小山招隱辭有引

亂

小山招隱者雲間孫稷長慶別業之名義則左太冲反
招隱也長慶言行謹飭嘗為文季官兵與遂不復仕讀
書賣藥于橫雲山之支隴有壁峭立泉涓然出壁下有
石室中擊之有声日歌樂于是盖期与明哲士終老焉
辭曰

橫雲分兮一股壁鉄立兮石奏鼓桂膠枝兮荃有芳吟玄
狔兮白雀舞君胡為兮塵土弦我琴兮歌我招泉冽寒兮
天窈寥月高露瀼兮車音遠遭心悵惆兮不成消搖君之
盟兮孔昭言採兮可道言釣兮維鯨渭濱商顏兮其道匪
殊治亂使然兮出處異趨載弦載歌兮茲山之矧君之來

兮母遲其驅

故内御史捏古氏為之挽詞有序

以捏古氏名為列雷字敬夫燕山人国初大父長信州
永豐縣因家焉父卜里也禿思從文皇帝潜邸官至請
江路總管素無子至是媵產公有异年甫冠及第上親
覽策曰必世臣佳子弟也何以知吾家事若是其詳耶
授集賢修撰中丞馬以伯庸妻以妹累遷南臺御史按
治湖廣江浙咸有声威順王素不法漁奪山澤之利尤
甚民苦之出數百里告漁奪狀以一无所貸还之民論
奏王罪以降爵王以憂悸不知所為會赦免福建廉訪

司凡御史至堂幄地衣盛飾金繡以命撤去及視事莫
 不震悼曰慎毋犯狀元御史比述內御史某扶柩劾某
 官以失糾察去職尋三臺辨明除湖廣省副理問不
 赴迂生母潘氏縣君塋北上拜內御史以疽卒壽三十
 七以短小凝重眉目秀朗官居巷處言行一致愛豫章
 山水而寓頗久歲一至豐為女兄壽女兄誓不嫁悉以
 已租贍之異母弟早孤長以廩讓族弟帖歌以依以奉
 登乙酉進士第朔州同知子某

萬以產南州胞有紫白異襜褕未勝鷲生母痛先逝操危
 慮也深十九面廷試詞旨極懇切奏讀驚侍衛文皇至親

覽天眷邁恩例瓊林宴狀元銀屏會佳婿花交婦香署草
 偃迂絲轡要職尋屢遷中朝適无事南臺按三省文物紀
 綱地御史象執法獨見公不愧先時威順王畋魚盡民利
 昔縱魚鳥樂復奪士馬氣剛部俯交廣嬪犀蔭榕荔從容
 撤堂幄登海肅秋零譽重謗由興才大眾所忌繙然遂孝
 思遷葬邊北異女兄老閨閣誓不通采幣歲展骨肉欢均
 財及諸季家初涉龍家奉益名世願予駕鈍姿激越千
 里志还御理書劍承拜內駝使將依東道光竟灑西州淚
 修文得顏回前席失賈誼山房懸蘿月以堂為予書神采
 形夢寐成蹟在董狐茲焉述交羨蘿月山房扁

故東流尹陳公挽詞有序

公諱文杰字漢卿号默齋毗陵人也父業暨母張憐其
好孝每質簪珥奉師會宜興鉅室蔣竹徑病公侍父往
就函其塾卒業久之客有過公過蔣一見納為友寓公
赴浙憲使遂荐授慶元儒學正至則浙東帥重之俾二
子從二子挾貴胄無弟子礼又羣蒼頭臂鷹鷂日躡躡
無度公麾蒼頭去弗听乃朴教二子曰吾授堂帖一通
班官耳義孰受天子命天子有聖旨諸王駙馬不得擾
學校汝敢是乎因奪一大鷹縱之蒼頭走白其帥怒
喚公眾為公惧止之公曰吾有聖旨在竟往帥詰曰縱

該低鶻

鷹有之乎公曰鷹不縱帥有罪具言云帥竦立曰是愛

我也遣蒼頭出謝 護公歸既辟為其椽一郡大驚滿考

除本學教授再辟椽淮東陞兩浙運司知事丁母艱服闋

改江陰知事三載擢東流尹推贈父宜具判官母宜人即

謝病歸逾年卒寿六十九先是公長郡幕里人殷數請託

先君拒絕之殷御恨誣行賂告分憲屬公逮繫公復憲官

曰典史王某者清謹人也杰交其子逢公未始識一面萬

萬無是事惟辭察之憲臣躓公言独不問後逢見公于家

無一言及之其平生行義率類此公負詩名監丞陳公旅

以兄弟礼家親善學誌其母宜人墓子在有文季遭乱憂

悖死孫一

東流家本鑿少貧困間伍賣藥粗給身力孳忍刺股祖塋
良苦志黃憲早稱許參朮收狄籠芝蘭羞謝豎繡衣馳馬
即遂吞茂才奉尋典四明教弦誦喧兩廡元帥劬日臣遣
兒授訓詰其奴臂鷹鷂躡聖宮宇毅然掣錦條麾去莫
敢侮同舍為公懼公且白大府帥款禮遇加擢椽器三語
再遷東淮聞參贊妙材諳却超慎兩登單父槩一鼓先墜
罷焚黃長緡即解組素榆晚日景奄忽悻風雨送喪阻范
式能詩失阮瑤憶昔忘年交瓦缶視鍾呂虞揭歐黃輩恨
不与披觀間話良天時益縹緲餘緒况于魯連義歷々在

肺腑遺孤喪亂揆分合予撫嗚呼同漂零清秋益愁佇

故空谷俞先生挽詞有序

先生諱遠字之近号空谷江陰夙歌鄉人也其先儒起
家至先生貧隱居教授能行古道毗陵孫姑以先世旧
依先生待如新知卒殯焉頃年疫傭奴病乞歸先生曰
慎毋疑疫氣相染其善調護踰旬死時兵具山林盡楮
人死多委之壑或以自請先生曰生盡其力死棄之溝
中不義也單出為棺窆歲暮春里萌昇木偶神邀并落
間至先生門造所昇重而止昇夫吾家姥曰神靈報施
影響擅宜急祭燎旗下否則殃及矣姥笑曰木偶何能

為主人歸吾家爨下物耳眾矚眙去族姪裕親歿有佛者以佛事為解裕毅然曰吾諸父嘗謂形神既離地獄何有今乃自誣親有罪不孝孰甚佛者慙而退其善行及人率類此先生骨貌清卓類有道者長于古文尤嗜詩亂中吟咏不輟嘗自叙詩曰中之藟、鳥之嚶、机動籟鳴豈得已而不已乎不得已乎耳子以見其出乎性也壽七十二子樵孫庠序

空谷俞先生言行傳、尔襄陽一耆旧東魯古君子奕葉蘭桂芳晚見長松倚野雀夕鷺露天雞晴影水神清凝高寒眼碧獎烏几州閭董善良工俗變淳美削跡門徒僧罷

迎藜祠鬼貧交有孫岵推食養沒齒義声及畊奴亦免溝壑委遭亂接浙行帶索並藿葦兒樵性至孝承順若居里先生但微吟落句益奇說玄洲摘芝秀翠嶽决石髓咸瞻星夜康忽夢歲在己枯羽鏃礪道 勿甚提耳忘年感孔融赴吊愧徐穉霜晨高鴻邁獨權五湖溪為歌双梧歌玩作此堂挽先君後附林哀朔風起

客行天下半波流日滔、卓然王慎長独詣見所操西風吹黃鵠督眼雲中翔無彼升天翼欲飛詎能高讀律三十年弗離州縣勞歸休青山郭緣溪置屋宇種瓜以為業不復求其曹饌甘盤有魚飲旨尊有醪兒賢曲奉

養未暮樂陶，奈何百年期。憔悴變號咷，望見双梧樹。我每涕沾袍，梧樹奚足悲。迴躅于馬韜。

故贈江西省左丞謚文節汪公挽詞有序

公諱澤民字邦志号堪老真逸以春秋登戊午進士第累官致仕禮部尚書歸宣城淮人闖境公倡鄉子弟保里閭會城陷遂遇害越七年詔贈江西省左丞謚文節逢見大夫士每称公性廉學尤甚慎許可堂推官平江任法怨允獄多平反垂代題春帖云及瓜當此日行李似來時。迄今為實錄再推信州太夫人道病公屣屨扶筮輿以行比至提管秦從龍謁謂曰今晚可就我脫太

夫人不諱吾能率僚屬賻祔之不然喪誰与奉公曰匿親疾而上官是遺親也遺親不孝觀官飲而私親是貨官也貨官不忠不敢惟命太守苟推仁湯藥是饋則母氏更生是望某拜德侈矣秦覲而退太夫人卒服闋起知兗州文教大行僦廬問學者数千百人流民遇其治功羨賑之能聞召待制翰林与修國史當時大臣罪謫傾朝服以先知陞国子司業集賢直學士尋告老云逢于公玩半面雅荷不鄙夷堂賜詩序富愧蔑以報称也姑述其槩系以挽詞

嵇康貴神交梁鴻重怀負古來知己遇詎在相摩肩仰惟

文節公清白忠孝全天禧光祿後五世衣冠綿讀書敬亭
 裏射策香案前半刺久鳳栖一麾遂鵬鸞宮壺酒賜縹太
 乙杖吹烟鬼泣修史筆門泊向字船疏廣忽引去傾都望
 如仙洗、死溪水酌、溪上田鰕菜荐嘉豆鶯花照堂筵
 至正乙未間星狗光孛然首倡扞鄉井淮人竟扼咽侯伯
 竄州間丁壯死墓邊執公義不屈于姪尚空奉詈言今顏
 杲勁氣昔鄭略臣素奏我皇褒贈著史編憶昔太平日高
 明南斗懸忘我襪線才贈我瓊琚篇陋鼎飾金鉉爨桐被
 朱弦鼠朴免售却駁骨期市燕空谷一蛾眉衣袖復蘭荃
 思君限楚水日夕魚夙顛青燈耿漆室袒褐望祀天老成

嗟已矣客淚双迸泉再歌宋玉些黃鵠高迴旋

寄丘都事

曩僑西湖西遂識東家丘平生五經笥声價千金表借地
 營茅坐秋隘不容翰文犀水蒼珮無時顧岩幽畦蔬何青
 青一飯常苦凶推論當世事遇訐侷倂别径喪乱年廬
 墓兼百憂上馬即擊賊恐貽孝子羞伏承從大將軍烽火空
 三州生还拯髻面望拜多白頭荒原露草根奉鞭枯骨收
 搜聞韶東討朱夏行清秋黃池正覩兵移戍浙上流觸輪
 避螳螂撼樹憐蜂蟻祭遵日雅歌道濟夜唱壽所在成相
 業正自出軍謀月落紅蒼莽熒惑光射牛白蛇橋長淮睥

晚龍驤舟君懷靖四海且復掛吳鉤机務信有暇緘詩寄
滄洲

寄李守道有後引

西湖有奇士少負不羈才酒外嗜八分席地画青苔妻憂
併儲罄瘞甕 聞煮雪白石窩捫腹視三台久安素貧賤
惟恐富貴來風塵傾東南衣冠就衰隕慟哭岳王墓北走
燕昭臺平章造次見符檄隨所裁徵兵復三州疾如破山
雷无辜起塗炭寸管萬牛回釋褐慕董生玉帛漲輿僮丈
夫誓

良可哀時予客左丞遠愧却与枚禦寇書
翩然返蒿萊蕭雲仰驛駒失道甘鴛鴦天風薜花落

離思浩江淮願言輟予想曠野多賢材

守道諱介石性爽邁

所

以

書見省臣命草符檄遂器重之授松江府提控按牘從

守鎮江後鎮江失守以不屈辱而 煮雪鑿甕白石窩

皆其齋居室名

三貞篇寄納麟哈刺恭政幕下僚友

梧西女陳氏顏色絕勝玉阿耶燈窗下古傳常暗讀義須
嫁宦人麻泉心所足兵麾忽東指煇火蔓平陸魚鱉遭顛
連雞狗同迫迎_逐狹狷哆其口反噬机上肉母子泣相誓寧
死不汝辱春輝黯門楣寒日照鬼錄皇天寔鑒臨家廟為

憐爾陳氏母曾宗直講 暨婦惠婦吳六 在難自判受命

臂血濺賊衽賊歎為歛縮差々白刃間偉節驚耳目荒野

雲雪暮緬想會深竹水流風悲鳴星逆万羽鏃回首陷沒

地何限委溝瀆大參行當采卹典具簡積前湖百世祀謂

代時烈女何氏明妝僕車服從以双素鸞配享時敢贖孤蓬任漂

轉餘齒寄草木倡茲三貞篇庶用矯浮俗

奉左丞觀射石幢門外

前徒驅干旄後乘咽短箫君侯美裘帶白馬金轡搖道出

石幢門春始轉柳條公堂俯平曠武士集英翹離立控角

弓百步建錦幟眼空熊渠席臂落李廣鵬登階礼数新賞

罨号令饒忘歸道寒星决拾迎鮮颯失鵠固自恥破的奚

庸驕先王用觀德今此樂賓僚就夕映彛尊玉帳

客卿忝末至属賦軍中謠川澤魚上水野烟尚蕭

詢幽隱聊以 逍遙民情自茲得無復慮三苗

送揚子明知事收觀孫元帥分制沿江州郡

寒日動大江鞍馬散滄州漚光滅沒外迥見冰梁浮壯士

無人色旗羽風颺揚君志弧矢咲被黑貂裘祭鞍千仞

岡掉鞅万斛舟先声掠淮甸遥制三邊州元帥統將权言

責在軍謀一言関興喪跬步分陽秋天地属閉塞波伏蛟

龍歎孤烟起天際薄暮青轉幽百里静雞犬豈但窮兵由

壞經時委川溝行其所無事凋瘵或少瘳耀德不觀兵
雪質齊麥生猶聞鏑戈矛頻年竭土當今第一等君昔甚

側隱曲宥千俘囚歸裝輕于葉廉價重琳球散邑蒙存臨

多暇獲謔游鳳皇巢阿闕黃鵠宜遠投茅竹霜寔繁知止

疇与伴蘆根短刺水譽斯空啾々顧予麋鹿姿蓬藿翳林

丘行藏任本性道義期加修

雨坐梧溪精舍

青梧陰四合長夏含秋清及茲積雨晦 水衣生別巷

鶯声歇香烟鵲尾橫

溪上思千載一時并

夜坐

落日秋氣昏回溪夜噴薄幽花散露榭孤篔簹墮風闕冲襟

謝煩歌廣篔簹生離索躑躅望明河南天正飛鵲

繆孝子有引

孝子名倫字外彛年甫冠博識能文本東平人侍父宦

游于杭至正十六年淮兵執其父將殺之倫哀號乞免

弗听傾家賞贖父命又弗听乃自縛請以身代于餽父

見釋而殺倫前鄉貢進士樊浚言之予悲倫之志行不

大顯也為作琴操一首期声傳無窮焉

父存兒死兮兒可再得父死兒存兮兒其天殫聽代父死

兮全兒戕於我人心不泯兮亂有底極

蔡蘭贈孫孝子彬有引

彬值揚州兵變負母而逃兒女散失頌者美其有慈烏
之義而未及舐犢之愛焉故予賦葵蘭一章

葵衛其根日月燭之蘭茁其芽雨露沃之兵變倉卒負
親而逃山川險阻兮無乃親勞工天孔仁兮命也兒遭

義僧行

世階道淪喪或時罕見之我歌義僧行
靳取國士知僧臻
生夏浦俗號徐大師勇敢重意氣
赤手可獵麋張忠郭解
流任俠不計賞
臻願出門下致死誓不移
盜尋寇馬洲魚
肉乎蒸黎元戎堅營壁
大姓深溝池壯哉張父子
分率脫
項兒父擒子死難家不得斂
屍臻聞切齒恨
死不同時

夜即操斧刃奮身斫藩籬
徑入牛宮內斧斷張繫維
手殺盜六人力挽間道歸
妻孥拜堂下金幣謝所私
上公賜中裳欲以好爵縻
幡然掉臂辭還山
弄摩尼方今國步艱
中外罹瘡痍銅帛盡懸授
鉄馬誰擐旗嗟尔匹夫
臻足張三軍威何不食君
祿為君請淮夷收名魯仲
連千載為等期
天秋黃葉脫日暮玄雲馳
歌詩節鼓吹用壯吾熊羆

壯士歌

明月皎白玉盤大星煌
黃金丸壯士解甲投馬鞍
疾藜草沒衣夜寒劍頭飲
血何時乾

義兵謠

春虹白冬草碧八月黃河火雲赤將衣我衣更食我食望
塵走馬當殺賊

寒机女詞

鴛鴦机滿東西舍雪壘綠采日相射世俗競染紅藍花妾
心鍾愛金絲拓君王錦繡焚殿前天孫鳳梭蛛網懸織成
雲霧製龍袞萬一熏香分御筵

朱夫人有序

夫人諱元琇江陰知事朱道存之妻都漕萬戶費雄之
女也至正十六年江陰亂夫人依其父居松江之上海
未幾上海縣陷苗軍復縣大掠夫人驚逃出卧内時苗

法低字

手及以入將犯之夫人怒叱曰吾貴家女貴家婦夫君見勤王
汝本官兵奚為犯我投叙珥于地苗攫之去既苗偕至索
賞無有遂驅迫就道夫人揆不免乃攀堂楹厲声曰吾義
不辱苗狗忍辱我耶比遇害爪入楹木血沁于指哀哉
始先君庫使解官歸里逢適主其家每与盛宴輒缺然
若不甘者知事言其故于夫人它日復宴夫人親為別
具饌命子文博女礼昇示逢曰此奉尊翁自是以為常
明年逢過其地嗟夫人之生也柔惠足以德人歿也貞
烈足以表于世謹為辭以弔之辭曰

青簷花白浦水黃雲日黯慘風悲涼停轡西向三盃觴旂

旌葆幢來混茫若有人兮凜如霜星流電馳惟可望微言
夙習大洞章功成拔宅居帝鄉鵲河蟾窟肆翱翔咲援北
斗挹酒漿帝曰欽哉無太康下為於世扶綱常進規退矩
禮自防釵荆裙布今孟光尊姑養之植德堂朱氏堂階珠
樹聯瑤芳明璫蒼珮森琅擗鐘考鼓樂未央楚氛遮天耀
天狼飄然歸寧父母傍正生漆室憂葵傷官兵冠我加劍
鉞昊天倚杵忽交桑身有濺血無迴腸稽首再拜淚雨滂
轅馬直上驂鸞凰

殺君之餘春風紫燕停紫衢錦纏繡絡舞鸕鷀胡琴秦箏
間吳飲酒面花影紅扶踈君樂滿座容顏舒再拜壽君明
月珠願君世々金帛符縣籍元我甘樵漁

君家柳

君家柳萬株一色鵝黃酒龍鱗波暖裊翠烟飛花直渡江
南天倉庚立曉葵穿午薄暮啄木声丁然腹中樹蝕皮齧
馬旧陰半減金城下長條短條屬行人犹有持斤晚之者

秋來大地落葉鳴心憶陽春泪如瀉

趙氏双珠辞

遊鯉山石高孱顏遊鯉溪水清洄湾中有我々青結髮望
如春雲不可攀壬辰仲冬寇蜂起乳臭將軍先披靡民人
顛連社稷圯我固當為貞白鬼後采胡謂乙未年小妹復被驅亦
葬魚腹全其軀山高水清幾千載虹月夜貫双駟珠夜深
鮫宮屏机杼風吹草寒觸髅語何由生長江沱間及見王
睢鼓衣羽願回堯天行化日女子有家男有室地下甘心
燈伴沫

夜何長三疊寄周恭政伯温鄔愈院本初

夜何長日苦短夜長復寒日不暖深林火薄鷓鴣鳴滿尾頰
魴魚游纂々千年古鉄紫氣纏赤帝當之白蛇斷中朝老
臣双珮蒼憂心鬱行寢息忘鳳皇在笈驥服箱雪埋石棧
冰河梁夜何長六龍回轡東扶桑

夜何長日苦短夜長復寒日不暖蒼梧九疑雲思遠驚鴻
亂落夫差苑漢家騎尉双龍蒼酒酣起舞隘八荒疾風吹
沙百草霜玉缸朱火青凝光夜何長帝車高轉天中央
梅花落菴管江南布衣双鬢蒼歲闌独立氣慨慷衣冠礼
樂制孔良路迨無由貢明堂夜何長啓明耿々天東方

梁溪行贈嚴子魯叅政

梁溪之陰太湖陽錫麓西下盤羊腸土俗鸞_悍捍民鷗張負
 固不貢亂典常明公是時騎飛黃三尺白練揮冰霜西定
 汝穎南保杭復來覩兵周處御方將增陴浚浚隍楚氛一
 夜掩斗芒奉頭鼠竄道相望独有殉節臣姓楊謂文載明
 公退此招散止昔我仇寇今顏行千百之衆尺寸曷日食
 蒲螺草塞創戟十六日莫禦當誓歆手奉東南網赤葉楓
 落鴻雁翔淮閩兵戴吳天蒼金戈煌々旆央々旋師城闕
 從鼓黃父老羅拜勸酒漿武惠厚德宜尔昌旂衣封錦來
 尚方望書錫命登岩廊吾君論功邁漢皇屬國負々蘓中

即事業益大身益強不忝異姓汾淮王

奉陪神保大王宴朱將軍第聞彈白翎雀引有序

白翎雀燕漠間鳥也初世皇命伶官石德閭製白翎雀
 曲及進曰何其未有狐婆怨悲之音石德閭未之改而
 已傳焉戊戌冬淮藩朱將軍宴大王于私第逢忝座未
 時夜電霰交下衆賓相次執盞起為王壽逢亦起王命
 左右鼓是曲且語製曲之始俾歌詠之逢謂續事本宴
 左氏所先故鋪陳具說大略而不暇他及也

玄陰亘天雪欲作將軍西第夜張幕銅盤蠟光紅照灼四
 座傾听白翎雀々生烏桓朔部落大朴之氣元磅礴地椒

野稼極廣莫穹廬離々散駝駱黃羊蘆酒雜漣酪鷹狗畋
獵代耕獲大王肇基不城郭青春建橐宵罷析聖澤滂沛
蔓綿絡風溥俗庀法度約軋端坤倪露冲漠羽毛鱗介並
飛躍庭祠歲饗咽管籥雄雌和鳴莫我樂帝皇赫然太陽
若八表晃蕩氣盡却前驅屈盧收繁弱睚眦万狀錯
遂朝玉帛解祖縛大明宮開夾花萼文監武衛盛材略慈
珩穀璧映霜鐸五雲夔龍奏韶護九苞風皇降寥廓德音
威儀匪予度万姓拭目瞻向闕軒轅伶倫兩冥冥今年來
事非昨優塵雜亂人道削咬哇哀淫頌声鏗皇孫讓賢執
鼓鐸中冓鵲尾黃金杓殺烝体荐嚼復嚼巴渝舞隊驩回

薄供奉單韜衣狐貉銀箏載前酒載酌延秋門淺魚守鑰
緜山遠度吹笙霍淮南昔者雞舄菓千乘之困棄獎躄方
今羣雄自開拓拔刃把稍爭刺斫為臣義同葵与藿將軍
固合鞭先着蓮壺漏沉薇露涸枯梢號寒風隕籜百禽啁
焦電霰霏冰花乱點真珠箔々中呱々情陟惡供奉若尔
停弦索吁嗟白翎將馬託有客淚下甘丘壑

奉陪杭右丞程礼部以文字文憲魚子貞魯縣丞道

原宴周左丞伯温館時聞河南李平章恢復中原

西湖館舍開新秋三峰倒影紫翠流白馬彫戈駐遠道金
魚玉佩羅林樾二孤五老独神往八公六逸同天遊時維

小康况大比萬粟少行東南憂如澠之酒官寺送風生酒
波鱗甲動荔子漿凝赤露香鵝肪炙作黃冰凍歌袖頻重
婆律膏渴羗解奏參差鳳右丞潤閱霄漢遍諸叟文章臺
闕重采恩駸々落日涼菱花蓮葉掩冉光驚飛先是自有烏
鵲寡宿未必無死火竟封禹趾烟莽蒼宣髮固短憂心長
側聞汴破濟款下百姓六望臨淮王山人厭乱喜莫量咲
整冠帶為奉觴醉後不登炭武床

惠孝子行有序

惠孝子名連字子及曾大父疇累遷寶章閣待制常德
知府致仕司農少卿卒翰林池至夫銘其墓曰金玉其

相表裏無偽際可見矣子及受孝于陸子方先生學述
江革郝鑿二贊其贊江有曰兒力甚武母安勿怖兒身
既豫養不可窳前行弗獲後顧則逼我心欽々卒与盜即
母兒一身安能异塗兒亡母亡將焉用俘其贊郝有曰
民儉于食累々為瘠推活君子職敬惟德君不苟活念
我二兒骨肉之恩生死共之弗卹尔生胡後而先志
勿獲全是口體士矜誦之後江陰乱挈母命及諸甥姓
閭閻百罹避地吳下逢嘉其言行贈之以詩

吾邦有龍席村中有宗朝田農惠公之曾孫司農三登魏
科養選衛王壻兩作茂宰一出漢朱轡百年雲散金碧氣

衣冠禮樂八九存曾孫自號輶生又號蹇連子負材弗
施甘与世相忤未嘗入城見州尊或逢夸毗徒掉臂决去
如林猿日但讀書蓬華門講畫授弟子愉婉向清過堂前
植橘堂後樹萱百畝之田五畝園征夫道喝馬汗赤抱膝
方看高鳶騫優哉游哉樂難諉游柔北沼灘歲天狗闕丘樊
達官大家驚潰奔水鮪陸虞盡嚼吞是時輶輓生悒僂膺
屢捫非不能持挺刃佩犴 靖卿国清札昏母年八袞罔
極思外甥在侍傍無援摺全固孝义坐使薄俗敦携扶于
野褰涉于壘惓冒霧露飢採邦粵妻孥臬兀兵火際六僻
委曲奉壺殮天道照著神佑護卒得命脱蚁聚并蜂屯蹇
連于盖尝口撰江革却鑿二贊累百言文焰炳若星斗繁
闻諸人臬者禴魄示諸人獍者丧魂江都名与垂乾坤乳
坤蕩、敬帝閣我歌三反烏滿原春風一夜回孤根

題三馬圖

卷開二馬風雲起誰其画者趙李士渥注旧感駟龍精禹
門曾浴豸花水並馳定是不契需合与周王八駿俱烏駝
赤兔售非主千金之骨成泥土丈夫怀材莫愁佇

鶴招有序

予友曹炳氏畜双雀于皆春園露昕月夕巾烏紗被氅
衣与之弄影接武林壑间若起出世墟物我相忘者数

年辛丑秋一日雄塔然悲鳴驚視之雌折足斃石崎下
心甚悼焉為援華陽故事用玄黃幣瘞所居貞汚傍既
封其土屬逢賦霍招詩諸石

馬之死也埋弊惟鶴之死也招予碎啄青田芝飲瑤池冠
朱衣縞玄裳垂神仙中人受以羈日遨寥天驂鳳螭良苦
未若歸來兮風塵軒囂波浪淤鯢雁羅鷲弓徽悲主家天
開林壑姿石砭魚影布叅差露昕月夕苔莎滋引吭和鳴
舞傲々閔睢之樂不可支胡然孤雄怨此離主亦為尔意
淒其蕙帳燈炮香倭遲臨高道士夢經時不信視此塚纍

歎病駝

狂夫東游乘白驃道踔遙遇病索駝紫毛無復好容色肉
鞍尚聳双坡陀南人從來不夢此私恠目擊臨干戈泉渠
元自搯蕃落天苑畢竟連銀河吳郊楚甸水草淺任重却
歎千斤過青袍朝士為起立苗帽番僧時撫摩熱風吹塵
鼻出火積雨成潦瘡生窠牛虻狗蝨苦噪血末由驅除知
奈何頻年出師數百萬熊羆獅豹相奔波豈期独後死溝
壑餘光所及良已多老奚首怕短袴靴手持鞭策涕泗沱
憶昔涿京避暑日氣骨礪巖窟^從和沉々金甕夾桐馬裊々
錦帶懸霧鬣眼勞輦下藉鬚刷屈趾澤畔甘蹉跎疇能推
廣愛烏義沒齒仰飼公田禾

悼炎洲翠

吁嗟句接連寫
原本記

炎洲翠美羽衣穿花掠藻鳴春暉讓玉城頭莫分飛淮陰
祠下臬相依臬不孝翠先死能言鸚鵡亦已矣
吁嗟方即起

俞丞獲印辭

已亥七月城錢塘四十萬夫翻汗漿九旬塵沙霾日黃几
夜草上生輝光凌晨夫長賀得印壇紐璫文王澤沉官曹
傳看連六郡丞名適同丞有分君不見侯王昔者親佩之
功業勿建終弃遺城今百雉高巍々呻吟盡化為歌詩時
來更取左顧龜

烏啄々唁無錫呂志學



